

續修白鹽井志卷之四

祠祀志

古者欲民和而神降之福先成民而致力於神良以神所憑依在德則建祠以祀所以食德而報功也唐虞三代垂爲典常周禮六官詳哉記載歷古迄今雖異世不相襲禮而羣神百祀皆遵王制之遺若乃報賽祝麻藉以返始禪林道院資以滌塵雖不關祀典

之隆特以培風水之盛爰志祠祀列爲三等不使相

溷云

典祀

羣祀

寺觀

文
典祀 祠祀志之一

祀頒爲典所以垂千古之禮經而定萬方之儀則也
其道建諸天地達乎風雨露雷以迄山川社稷所最
著者舉凡先聖先儒名宦鄉賢忠孝節義之傳有功
於民之輩隨感而通以誠而應義至精典至渥耳天
食德報本豺獾且然而況人哉白井自瑞產石羊祥
開天寶涵旺鹽豐課充民聚遂有廟祀之崇而遵典
章於不替焉

文廟 詳建置志學校

關帝廟 〔井舊志〕在尾井北關內嘉靖三十六年提舉章

肖峯剏建康熙三十年提舉蕭繼煌重修外加戲臺
雍正七年提舉劉邦瑞重修前樓大殿中殿後殿各
三間乾隆二十二年提舉郭存莊重修

關帝廟 〔井舊志〕乾隆二十二年提舉郭存莊剏建 〔採

訪咸同間兵燹圯毀光緒二十九年提舉文源重修
〔採訪〕道光二十六年大水爲災官竈復增修牌坊
極爲高華壯麗通學呈請提舉繆闐折去戲臺泐碑
永禁演戲同治間兵燹兩廂坍塌通學重修光緒二
十年提舉江海清倡捐重修

文昌宮 〔井舊志〕在喬井行宮右土主廟左舊學宮卽此

因外陽略促前明萬曆三十七年生員陳經倡首捐
貲卜遷於象山之麓明年告竣公議改舊學宮爲文
昌宮康熙五十五年署提舉白兌重修添建書樓室
共九間乾隆二十一年提舉郭存莊重修內外并敬
匾聯規模大備 採訪咸同間兵燹圯毀已半同治
十年改建妙華庵爲文昌宮遷金像於內以殿前狹
隘祭祀未便光緒十年修補舊宮復迎聖像還以妥
祀事二十六年修補牌坊之朽壞者自此文昌宮有
二焉

文昌宮 後殿採訪道光二十一年進士甘岳倡捐修建

設家慶會兵燹全圯光緒三十一年提舉文源重修
風雲雷雨山川壇 井舊志在小南關外觀音寺右偏乾
隆二十一年提舉郭存莊剏建立碑爲壇圍牆三面
塼以黃土大門三間匾曰南壇 採訪經亂圯廢借
祀於玉皇閣

社稷壇 井舊志在司治西北圓覺庵右偏舊無墀壇乾
隆二十一年提舉郭存莊新建後廢乾隆癸丑提舉
王子音率諸生張裕遠建 採訪經亂俱圯今借祀
於關帝祠

史皇祠 井舊志在大成殿右康熙戊戌年署提舉白兌

奉文興修乾隆二十一年提舉郭存莊重修 採訪
道光二十六年提舉鄭家寶率紳竈等重修正殿三
間上有樓爲尊經閣並左右廂房經亂朽塌光緒六
年提舉鄭永齡倡率齋廩甘世忠王宗禹孟節蔭楊
勲仝紳竈等重修

崇聖祠 井舊志在明倫堂後大成殿左康熙庚戌年提
舉嚴一詔勑建 採訪道光二十六年鄭家寶率井
人重修經亂將圯光緒六年提舉鄭永齡率齋廩甘
世忠王宗禹孟節蔭紳竈等倡捐重修

朱文公祠 採訪在龍吟書院右半山間舊名龍吟寺光

緒十四年邑舉人甘浦籌款新建二十八年提舉文源重修設算學館於內

總龍祠 并舊志在司治河東土主廟右剏建無考祀鹹泉得道之神 雲南通志雍正二年巡撫楊名時以鹽課充溢民食有賴請加各井龍神封號奉

旨勅封靈源普澤涵脈龍王春秋致祭七年劉邦瑞重修乾隆二十一年提舉郭存莊重修春秋頒定於辰日祭祀 採訪道光二十六年水災重修牌坊巍峩壯麗經亂後隨時修補

土主廟 并舊志在文昌宮右總龍祠左剏建無徵康熙

辛丑年爲水淹沒提舉嚴一詔重修五十一年提舉
鄭山重修增建戲臺以戊日祭祀乾隆二十一年提
舉郭存莊重修考楊升庵丹鉛錄黑水祠在雲南昆
明縣之官渡今名黑殺天神土主祀禱極衆觀此則
凡滇境所祀土主皆起於官渡卽土神也與城隍並
尊

採訪經亂土竈增修光緒二十九年提舉文源詳請對

魁星閣

採訪舊閣在廻龍山嶺之半創始無考道光間

移下數十丈改建正對文廟龍山聳秀之景卽此爲
學宮案山登眺之際鱗次萬家五井悉居其下洵爲
大觀經亂通學重修又明倫堂前亦有魁閣兵燹折

毀尙未修復

鄉賢名宦祠

井舊志在學宮戟門外左右廡

採訪經

亂通學重修

武侯祠

井舊志在關聖宮後殿左側舊爲近思閣崇祀

朱子像名朱子閣康熙五十年提舉鄭山建嘉慶十六年改遷朱子於史皇祠以此供武侯像祀事亦在其中
採訪經亂傾圯光緒八年學內重修二十八年提舉文源重修塑像題額伯仲伊呂

郡主祠

井舊志在司治河東聖母祠後洪武七年建於

老君庵左有正殿三間中設洞庭郡女像右供石羊

古蹟之神乾隆二十一年提舉郭存莊重修〔採訪〕

光緒二年署提舉劉賜齡以祀典所闕敬聯重修每歲春秋祀事提舉王璋以其幽僻借祭於聖母殿忘其本矣今移供石羊之神於界井龍祠庶幾存返始之意云記載藝文志二十六年提舉文源重修題額
澤普滇西

厲壇〔井舊志〕在北關外每歲清明曰孟秋望曰孟冬朔

曰祀無祭鬼魂於此舊無壇墀乾隆二十一年提舉郭存莊建〔採訪〕咸豐初年土竈增修經亂摧朽光緒五年署提舉李應棠重修二十四年署提舉江海

清補修右廊大門等處二十九年提舉文源重修

棠雱

井舊志每祭給銀六兩

崇祭

井舊志每祭給銀二兩以上二祭遇水澇乾旱臨

時報領設祭

節孝祠

井舊志在井南龍泉山下乾隆五十九年提舉

王子音倡捐創建

採訪經亂坍塌光緒十六年通

學捐貲重修

昭忠祠

採訪在井西寶關門外光緒四年提舉李應棠

奉文由撫卹銀項內率士竈創修六年提舉鄭永齡

任內告竣

福德祠

井舊志卽土地祠在司署儀門左側與五井公

局相鄰同時新建

案牘祠

採訪在司治大堂左創建無考兵燹後學官寓

此光緒十八年訓導呂杭始僦居民房今未修葺

仙臺縣志

仙臺縣志

羣祀 祠祀志之二

羣祀者羣然共祀非衷乎禮制之典章而沿於輿情之慕效也或鍾水豐物福澤普於四方或捍患禦災威靈顯乎萬古或扶危甦困力解倒懸惠竈恤商常流愷澤以故兆庶結悃忱之願遐邇興禱祝之思雖分祀別祠不無煩瑣然報賽迎庥亦足覘風俗之厚云

觀音井龍祠

採訪在天福井之上祀觀井龍神於此每歲春秋奉文修祀與總龍祠同期本井士竈相率告虔旨以牲帛酒醴歷古皆然光緒元年重修前樓

舊井龍祠

採訪在寶泉橋之首祀舊井龍神於此每歲

春秋祭期同前經亂全圯光緒二十六年本井士竈

重建

喬井龍祠

採訪在佛惠橋左準提閣前大新井上道光

二十五年新開大中井并建龍祠移祀喬井龍神於
此每歲春秋祭期同前正月二十五日本井士竈祭
奠讌會以爲常經亂重修

界井龍祠

採訪在霽虹橋左右羊所掘處也祀界井龍

神於此每歲春秋祭期同前光緒二十九年界紳竈

重修增建井樓